

# MITI MUMU ȦIC

Papia magnaŋ dăŋ forakac irec dăŋ qizecne ȡiguc honengŋopeney: Măreŋko wiac forakac â jurakac erâ hurerâ ro rauc erâ bajuengŋopeney i fâri tâmiric sasawa. Dăŋ izi arecne 22' fuakac, erâ Mataio gaŋ 16:26 dăŋ fokac irec âgone ekac. Eme dăŋ wiac gâcne forakac izi qizecne â wâtugne i hâcne ketengkehuc basanangkekac. Măc Anutuzi wiac igucne năre tahac eocmuo ine dăŋge mumuteŋ ecnerâ bubian manahuc nă bac engŋopeney, qăreŋȡic e iguc mukac. E Anuture fuŋne mana taraocte emâmăŋkekac, erâ wiac sasawa fâri tâmiric ekac, măreŋ â wiaçte wiac â ȡic juju â eebapa-năŋecte fuŋne iguc hone tarahuc sifu Anutu mi bebehe eraoa qohotahuc jaha ȡiguc mukac: "Anutu e ȡic tiŋne â biagne băfuac-năpowec, ehame ȡic năŋăc ine mamana biri hatane fuŋne fuŋne băfuaengŋopeney." (7:29) Miti Mumu Ȧic papia irec ȡăŋe Miti Qărio mi fuakac â Anuture ȡăŋe "Wofuŋ" i papia magnaŋ wăc basangŋopeney.

Papia qăreŋkewec qăreŋȡic ere ȡăŋe mi manangŋopeney. Măc ȡiguc sawa honengŋopeney: E Salomozi maŋqărăŋ dăŋ mu qăreŋ ewec ira iticnehuc papia-ticne qăreŋkewec. Erâ papia tataranao ȡiguc wosengŋopeney: Miti Mumu Ȧic e ȡic maŋqărăŋhec juwecte ȡic ŋokac maŋqărăŋ dăŋ jaha jaza qazuc ewec. Ine hâcne e maŋqărăŋ dăŋ mumure qaqazu moc juwec.

Ȧic e măreŋ săko măreŋ me irec fainao wiac forakac â jurakac irec măretec manabăc ehuc juwec. Wiac sasawa i damer-țicnehec â măreŋte temane â fâri tâmiric. E iguc manapankehuc, Anuture micdăŋ â ȡic jaŋere juju hata mana-fărengŋopeney, ȡic dăŋ iguc muengŋopier jaŋere dăŋ bawahaocte dăŋticne mu qăreŋ ewec hâcne.

Papia magnaŋ dăŋ me binar wiac ȡuȡuhuc moc mi fokac, aricne.

**Dăkăne 1 gaŋ 1-6** ira dăŋ forakac i gae wiac titinac sasawa.

**Dăkăne 2 gaŋ 7-12** irec magnaŋ ine dăŋ wiac buc buc răe rakicne.

## Wiac sasawa forakac i fâri tâmiric

**1** Dawidire ŋokă Miti Mumu Ȧiczi Jerusalem haeo ȡicwofuŋ juwec ere dăŋ ȡine hâcne.

<sup>2</sup> Miti Mumu Ȧic e dăŋ kecȡiguc muwec: Wiaçte wiac forakac i fâri tâmiric, â juju i wăc fâri tâmiric jaha. <sup>3</sup> Ȧonge măreŋko juhuc gie ȡocnehec baengŋopier irec fărine wemo wiac mo băfuaengŋopier? <sup>4</sup> Ȧic gaŋne gaŋne jaŋe fua omaec eengŋopier, â măreŋ săko măreŋ e ine foweczi fohuc juekac jaha. <sup>5</sup> Ehame ȡoanȡi huc wefuc eekac, ehuc mocwăc wefuocte wefuekacko risieekac. <sup>6</sup> Măŋă e juwic măreŋkonec wefuekac erâ wăc faic măreŋkonec wahaekac, iguc ehuc măreŋ răreckehuc mocwăc risieekac. <sup>7</sup> Opă săko sasawa jaŋe hăwecko huengŋopier, ehame sifu hăweczi mi qămbăriŋ-keekac; erâ opă jaŋe qizec-jenicko risieră mocwăc fuŋkeră raengŋopier. <sup>8</sup> Ȧic năŋăc wiac sasawa ebac ehuc docke betar eengŋopeney, ehuc irec fuŋne munanȡe dăŋ basaengŋopeney. ȡăŋe-năŋeczi wiac tatakic tâmiric honeekac â hazec-năŋeczi tatakic tâmiric dăŋ manaekac. <sup>9</sup> Wiac fuarâ

fowec izia mocwâc fuarâ foocmu â wiac ebac ekicne ijaha mocwâc ebac eniŋmu; mâreŋko wiac furune moc mi fuaekac. <sup>10</sup>Irec wiac moc fuame honerâ ziŋuc sâcne munŋmu: "Honec, wiac keci furune?" Aricne, i mârâc jaha jâmbân, nânâc mi fuarâ juhapene biac fuarâ fowec hâcne. <sup>11</sup>Mimiŋnefâc-nâŋec jaŋe juhapie wiac fuawec i moc mi manasuenggopenenŋ iŋuc jaha ŋic jufenzonggopenŋ me ziŋuczia juenggopenenŋ damenŋ ŋondenŋ irec maŋnao wiac fua raocmu i wâc mi manasunzonggopenŋ.

### Miti Mumu Ţic wiac ebac ewec irec dân

<sup>12</sup>Miti Mumu Ţic no Jerusalem hao ŋic jaŋere ŋicwofuŋ juo. <sup>13</sup>Ehuc ŋic nânâc mâreŋko wiac sasawa ebac eenggopenenŋ irec fuŋne hone mana tarac epemurâ mamana gie sâko bahuc juo. Mananŋgopenŋ, Anutu e ŋic nânâc gie munârewec i wiac ŋemâcne â zâic busâqoc-ticnehec. <sup>14</sup>Ţic nânâc mâreŋko wiac sasawa ebac eenggopenenŋ i hone-fârepo, ehuc ziŋuc mana tarapo: I fâri tâmiric sasawa, mângân mezi rorâ basanŋkezo eipienŋgopenenŋ irec sâc. <sup>15</sup>Wiac hehesicne i bâbâpiaŋkenere sâc mi eekac, â wiac mi foha basahuc sâcne mi woseenggopenenŋ.

<sup>16</sup>No maŋnanezi ziŋuc manapo: "No ŋic maŋqârân sâkohec jukopac, juwicnao Jerusalem hao guriŋ bapa gie bahuc jumbinŋ ŋic i jaŋere sâc sirickehuc maŋqârânhec jukopac hâcne. Irec no maŋqârân â mamana tara jahere fuŋne manakopac." <sup>17</sup>No iŋuc manahuc maŋqârân â mamana tara erâ mutuc matacne irec fuŋne mana tarapemurâ gie sâko bahuc juo. Ehuc ziŋuc mana tarapo: Gie i mângân mezi rorâ basanŋkezo eipieenggopenenŋ irec sâc jaha. <sup>18</sup>Maŋqârân fekicne fonâreocmuo ine mana mezac bocjaha enanŋmu, â mamana sâkohec junanŋmuo ine zâic busâqoc wâc boc mananŋmu.

**2** No maŋnanezi ziŋuc manapo: "No bubianŋ faio jujuhâmo irec fuŋne manazepac." Iŋuc muhuc ziŋuc mana tarapo: I wiac fâri tâmiric jaha.

<sup>2</sup>Erâ ziŋuc wâc mana tarapo: Mu gâgâwi ee i wiac mutucne, â bubianŋ faio juju izi wâc mi bafic-nâpoekac. <sup>3</sup>Eme maŋqârânhec jujure boc enareme ziŋuc mupankepo: No waig opâ nârâ saha-nane afeckeme bubianŋ faio juzepac. No ziŋuc hâcne manasupo: Ţic nânâc mâreŋko damenŋ bembenŋe sawa juhuc iŋuc mecne epene biankeocmu.

<sup>4</sup>No gie sâko bape fârinehec efârewec. Ehuc fic wiac-nane barâ waig gie he sarac epo. <sup>5</sup>Erâ monzanŋ gie â jufu gie-nane bahuc jâc fuŋne fuŋne sarapo wâc. <sup>6</sup>No opâ nombân ropo, eme irecne opâzi rahuc jâc wiac i bâgunucke-fârewec. <sup>7</sup>No kiŋaŋ qaqa ŋic ŋokac furi bacjopapo, â no nahacne ficko kiŋaŋ qaqa fuambinŋ wâc. No lama bulimakao bacjopa juo i juwicnao Jerusalem hao guriŋ bapa ŋic jaŋe bacjopa jumbinŋ jaŋere sâc sirickewec. <sup>8</sup>Erâ no mârenŋ sâc ŋicwofuŋ soŋaŋ-jopahuc juo jaŋere kânŋ-konec siliwa â gol ro qâzuc epo. Ehuc gae hehe ŋic ŋokac rocjopape gae henarehuc jumbinŋ; ehame hone aŋac ejarepemurâ ŋokacfâc-nane bocjaha junarembinŋ wâc.

<sup>9</sup>No iŋuc ehuc zânŋe bignehec erâ juwicnao Jerusalem hao jumbinŋ jaŋe siric-jopa-fârêrâ maŋqârân-nanehec jaha juo. <sup>10</sup>No wiac i me i rorâ bajuzo enareme rorâ bajupo, ehuc wiac bubianŋnehec moc mi bâsuepo. No gie sasawa bafârepo izi bubianŋ bâfua-narewec, erâ bubianŋ izi gie furi-nane

ewec. <sup>11</sup> Eme zâhec ine wiac ebac efârepo â gie sâko bahuc jupo irec manasurâ zîguc mana tarapo: I wiac fâri tâmiric sasawa, erâ mezi mângân rorâ basanânkezo eipieengopeneŋ irec sâc; erâ wâc zîguc mana tarapo: Mâreŋko juhuc wiac fârîne moc bâbâfuane mi fokac. <sup>12</sup> Ine hâcne, ȡicwofuŋ moc e wiac furune moc mi ehuc, ere juwicnao ȡicwofuŋ juwefumbîŋ jaje wiac ebac embîŋ i sawa sâcne ebac eocmu.

No îguc mana tarârâ maŋqârânhec juju â mamana tâmiric mutuc matacne juju irec fuŋne manapemurâ mamasasu gie bapo: <sup>13</sup> Baku zîguc mana tarapo: Tatamaczi dapâc sirickerâ fefene eekac îguc jaha maŋqârânzi mutuc matacne sirickerâ fefene eekac. <sup>14</sup> Ȧic maŋqârânhec jaje hata-ȡeŋic hone tarahuc raengopieŋ, â ȡic mutucne jaje ine dapâcko qîŋqîŋkehuc juengopieŋ. Ȧifec ine zîguc wâc mana tarapo: Maŋqârânhec me mutuc matacne juengopeneŋ nânâc wiac hâhâwicne sâc îjaha fua-nâreocmu. <sup>15</sup> No îguc mana tarârâ zîguc mupo: "Ȧic mutucne wiac fua-jareocmu îjaha no fua-nareme zîguc mupemu: No wemocte maŋqârânhec jupo?" Îguc murâ mupo: "Maŋqârânhec juju-nane i wiac fâri tâmiric jaha." <sup>16</sup> Juku ȡic moczi moc maŋqârânhec jumbîŋ jaje moc mi manasuc-jopaocmu, â ȡic mutuc matacne jumbîŋ jaje wâc îguc jaha mi manasuc-jopaocmu. Ȧic jaje juku nânâcne nîkec-jopa-fâreocmu hâcne. Ȧic maŋqârânhec mecne â ȡic mutuc matacne mecne nânâc mâmâc sasawa hâmo-fârenanmu. <sup>17</sup> No îguc mana tarahuc juwefuhape wiac biagnezi mâcne, zârâ hârîŋzi sawa fua-narewecte juju-nane qaisockepo. Wiac ebac epo i fâri tâmiric efârewec, nânâc mezi mângân rorâ basanânkezo eipieengopeneŋ irec sâc ewec hâcne.

<sup>18</sup> No gie sâko bahuc wiac sasawa hure hemârec efârepo i kecziŋuc muhuc manape fâri tâmiric ewec: Âkehocnuocmuzi raucke-fâreocmu. <sup>19</sup> E maŋqârânhec juocmu me mutuc matacne juocmu i mozi manakac? Ehame no mâreŋko maŋqârânhec juhuc gie barâ wiac bâfuapo i sifu ro rauc efâreocmu. Irece wiac bâfua-fârepo i manape fâri tâmiric jaha ekac. <sup>20</sup> No îguc murâ, gie zocne fârone bahuc jupo irec busâqoc manapo. <sup>21</sup> Zîguc honeengopeneŋ: Nânâc mamana â maŋqârân bâfuarâ mamana sarichec juhuc gie bapene fârîne fuaekac i ȡic moczi giene mi bapa mâc juku ro rauc eekac. I wâc îguc jaha fâri tâmiric eekac â mi sâckeekac. <sup>22</sup> Nânâc mâreŋko gie zocne fârone bahuc juengopeneŋ, eme irec fârîne wemo wiac moc fua-nâreecac? <sup>23</sup> Nânâc wiac ebac eengopeneŋ izi damerŋ sâc busâqoc â aaric bâfua-nâreecac, ehame ȡafeo wâc guŋ sâcne mi foengopeneŋ. Irece i fâri tâmiric jaha eekac.

<sup>24</sup> Fuŋne îguc fokacte ȡic nânâc wiac hure hemârec eengopeneŋ irec anȡac manarâ nânâ opâ nâhuc juhapene biankeocmu mecne. No îguc manahuc ȡifec zîguc mana tarapo wâc: I Anuturaonec jaha ware-nâreecac. <sup>25</sup> Îguc mi fome muzac ine wemocko nânâ opâ nâhuc wiac gâcnere bubian wâc mananzapeŋ. <sup>26</sup> Anutu e mana-jareme biankeekac ȡic i jaje hâcne maŋqârân â mamana tara â zeri bubian tahac-jopaekac. Ȧifec ine ȡic hehesicne jaje gie bapie fârîne fuame ro qâzuc enîŋte mujareekac; i ȡic gâcne mana-jareme boc biankeekac jaje jareocte îguc eekac. Erâ sifu irec wâc mâmâc manape fâri tâmiric eekac, ine mezi mângân rorâ basanânkezo eipieengopeneŋ irec sâc.

**Wiac sasawa jaŋe dameŋ-jeŋichec**

**3** Mâreŋko wiac sasawa kecziŋuc jaŋe Anutuzi dameŋ bajareme sâc fuaengopieŋ:

<sup>2</sup> Fufua â hâmoc dameŋ,

hesarac â qa roro dameŋ.

<sup>3</sup> Qaqac â bâbâsomie dameŋ,

fic hae ima bapa â bâbâpiaŋ dameŋ.

<sup>4</sup> Busâqoc â bubiaŋ dameŋ,

ki mamakuc â gae wowo dameŋ.

<sup>5</sup> Ȧowe ŋonâŋ juju â sowa juju dameŋ,

eehâmo â qaqaisoc dameŋ.

<sup>6</sup> Wiac basarâ bâbâfua â behepene sisifucke irec dameŋ,

wiac qâqâzucke â bebehe irec dameŋ.

<sup>7</sup> Wiac bâsucke behec â qâtâ bâpiaŋ ee irec dameŋ,

dâŋemâc juju â dâŋehuc juju irec dameŋ.

<sup>8</sup> Maŋjaunhec juju â rârsi dameŋ,

zika â wama dameŋ.

<sup>9</sup> Ȧic nâŋâc gie-nâŋec bahuc fârine wemo wiac bâfuaengopeneŋ?

<sup>10</sup> Anutuzi gie ŋemâcne fai-nâŋecko râewec i hone tarakopac. <sup>11</sup> E wiac sasawa jaŋere dameŋ i fâretin jaha râe-fârewec. Erâ wâc Ȧic nâŋâc wiac fua raocmu irec fuŋne mananaŋte woworic râe-nârewec, ehuc ine sifu eebapa-ticnere fuŋne mana taranzipente tâpiri mi qikiŋne-nâreekac. <sup>12</sup> Irec no ziŋuc mana tarapo: Ȧic nâŋâc mâreŋko junanmu sâc wiac i me i mi ebac ee mâc zeri bubiaŋ sawa manahuc jupene sâckezejec. <sup>13</sup> Erâ ziŋuc mana tarapo wâc: Nâŋâc nânâ opâ nâengopeneŋ â gie bapene fârine fuame zeri eengopeneŋ izi Anuturaonec taha hâcne.

<sup>14</sup> Erâ wâc ziŋuc manakopac: Anutuzi wiac sasawa ebac eekac i fofosanâŋ, Ȧic nâŋâc ira zuhuckerâ wiac moc bapa, me irecnec wiac moc ro behec ee i mi fokac. Anutu e Ȧic nâŋâc araŋ bacnehuc junaŋte wiac iŋuc hâcne bâfua-fârewec. <sup>15</sup> Wiac fuaekac me juku fuaocmu i mârâc jaha biac fua-fârewec, Anutu e wiac izia fuarâ fua eocte giene baekac hâcne.

**Mâreŋko hehesic fokac**

<sup>16</sup> Erâ i sawa mâcne, no zuhuckerâ wiac kecziŋuc wâc honepo: Mâreŋko mumutin gie â eebapa tiŋne ffoocte mukicne ira wiac hehesicne foekac.

<sup>17</sup> Iŋuc honerâ maŋnanezi ziŋuc manasupo: Anutu e gie â wiac sasawa irec dameŋ bawecte Ȧic tiŋne â hehesicne jaŋere dâŋ sâckoa mutaraocmu.

<sup>18</sup> Erâ ziŋuc manasupo wâc: Anutu e Ȧic nâŋâc ziŋuc nâzâ nâwotuc eocte ba esâic enâreekac: Ȧoŋe qowi jaŋere sâc sirickerâ biaŋne mi juengopieŋ.

<sup>19</sup> Irec qowi jaŋe wiac fua-jareekac sâc ijaha nâŋâc fua-nâreekac. Jaŋe hâmoengopieŋ sâc ijaha nâŋâc hâmoengopeneŋ, jaŋe nâŋâcne sâc jaha bâfua-jopakicne. Ȧic nâŋâc jaŋere sâc jâuruhuc biaŋne mi juengopeneŋ.

Jaŋere juju mecne â nâŋâcne juju mecne i wiac fâri tâmiric jaha. <sup>20</sup> Jaŋe mecne â nâŋâc mecne mâmâc hae mâreŋ ijaha rafârenaŋmu. Nâŋâc mâmâc jaha mâreŋkonec fuambeg irec mâmâc jaha mâreŋko risie hunanmu. <sup>21</sup> Ȧic nâŋâcne mârôzi faic feocmu â qowi jaŋere mârôzi juwic huocmu i mozi

mana taraekac? <sup>22</sup> Irec kecziŋuc mana tarapo: Ȧic nâŋâc gie bapene fârine fuame irec manasuhuc zeri bubiaŋ epene sâckezejec. Wiac moc eene mi

fokac. Nâŋac juku hâmoŋapene wemo wiac moc fua-nâreocmu i mananŋte hatane basaŋgopenenȦ.

**4** Eme no mârenȦo wiac hehesicne fua rakac i mocwâc hone-fârehuc Ȧiguc hone tarapo: BâȦâic-jopakicne jaŋe kiohuc juhapie mocȦi moc mi bâmiring-jopawec. Râsifâc-jenȦic jaŋe tâpirihet jumbinȦe mocȦi moc mi bâmiring-jopawec hâcne. <sup>2</sup>Irec no hâmokicne jaŋere manape zerine eha qâricne jurgopienȦ jaŋere manape busâqocnehet ekac. <sup>3</sup>Erâ wâc biac mi fuarâ jumbinȦ, ehuc mârenȦo wiac hehesicne fua rakac i mi honembinȦ jaŋere manape zerine ekac i fuȦmoc. Wemocte, i hâmokicne me qâricne jurgopienȦ jaŋere manaekopac irec sâc jâurukac.

<sup>4</sup>No Ȧic jaŋe gie Ȧocne fârone bahuc juenȦgopienȦ irec fuȦne kecȦiguc hone mana tarac epo: Jaŋe Ȧic âgofâc-jenȦic jaŋe wiac bajuenȦgopienȦ irec sâc sirickehuc fua-jareocte iguc hâcne eenȦgopienȦ. Erâ izi wiac fârine mâcne, i meȦi mângân rorâ basanŋkeȦo eipieenȦgopenenȦ irec sâc jaha ekac. <sup>5</sup>Ȧic mutuc matacneȦi ojorȦ juhuc nânâre hâmo sipiric eekac i jâmbomac. <sup>6</sup>Erâ ine wiac sisirowenao qohotahuc irec gie Ȧocnehet bahuc mâcne, wiac afecne sawa hurehuc maȦwama bâfuapene sâcke-hâmoocmu.

<sup>7</sup>Erâ no mârenȦo wiac moc kecȦiguc fuame honeekopac: <sup>8</sup>Ȧic moc e naru motec me hahac qafâc-ticne tâmiric buc juhuc gie Ȧocne fârone baekac, ehuc monenȦ mafa hure hemârec eekac irec maname mi sâckeekac. Ehame Ȧiguc mi wioekac: "No Ȧâic gie sâko i more erâ bahuc zeri bubianȦ mi bâfuaekopac?" No mâȦi igucnere wâc manape wiac racne â busâqocnehet eekac.

<sup>9</sup>Ȧic jajahec jahe babafic ehuc gie bapire fârine bianȦe fuaocmu, irec Ȧic moc e bucticne mâcne, âgonehet mâmâc jupire sâckeocmu. <sup>10</sup>Ehame jaheraonec mocȦi waha qame âgoneȦi sâcne bafahareocmu, â bucticne juhuc waha qame ine mo âgo-ticneȦi bafahareocmu, i aricne i! <sup>11</sup>Me mâmâtenȦ damenȦo Ȧic jajahec jahe mâmâc jaha fohuc heheârȦ sâcne enicmu, â Ȧic moc e buc fohuc ine fâfâreocmu. <sup>12</sup>Me Ȧic moc e buc juhame râsizi fisirâ bawahaocmu, Ȧic jajahecȦi babafic ehuc ine râsi sâcne jâpenicmu. Repa moc muc jahec â mocȦi bapene mi tâcneocmu.

<sup>13-14</sup>Ȧic waha qaqane moc e mârenȦ-ticnere ȦicwofuȦ âkendânȦneȦo murâ sâcne âkendânȦneniȦmu, â moc e kâpâcwârû ficko ġekicneȦi ȦicwofuȦ ġenȦeo râepie ġejo murâ sâcne ġeocmu; izi juku ġicqizec erâ mutuc ehuc uȦsawarȦ dâȦ qikigneme manacnepie wawahane eocmu, â ġicmotec hapetacȦi maȦqârânȦhec jume ere ine manapie fefene eocmu. <sup>15</sup>No Ȧic sasawa mârenȦo juenȦgopienȦ jaŋere manasuhuc Ȧiguc mana tarapo: Jaŋere ġonderȦkonec hâcne ġicmotec mocȦi ȦicwofuȦ âkehoceocmu. <sup>16</sup>ȦicwofuȦ moc e Ȧic guru dindiȦ sâko ġuriȦ bajareocmu mecne, erâ ine wiac ebac ehuc juku hâmoŋame sifu Ȧic mocȦi irec mocwâc manasuhuc zeri bari mi eocmu. Erâ i wiac racne jaha, meȦi mângân rorâ basanŋkeȦo eipieenȦgopenenȦ irec sâc ekac.

**Fârô faio mumuparȦ dâȦ mi muzo**

**5** Go taha ufuȦko feȦo murâ rucjarige bahuc fezemec. Ferâ WofuȦ dâȦticnere hazec râetec mana-garepe fefene eocmu, â Ȧic mutuc matacne jaŋe tiȦne â hehesic jahere fuȦne mi mana tarahuc bâȦi rikeenȦ-

gopien irec sâc etec ine mana-garepe wawahane eocmu. <sup>2</sup>Go dân moc muzo murâ qanaŋ manasu biric ezemec, ehuc Anuturo maio fâro faio mumupaŋ dân mi muzemec. Anutu e sambânko jukac, â go ine mâreŋko jukomec, irec dân afecne sawa muzemec. <sup>3</sup>Go mana mezac boc ehuc guŋ sâqocne bocjaha manacmu, â dân bocjaha mu razic wefuc ehuc mumusi-fuc dân mucmu hâcne. <sup>4</sup>Go Anuturao mumupaŋ dân moc mucmuo ine irec fârine bâfuacmurâ zoqac ezemec. E ŋic mutucne jaŋere mi ecneekac, irec go mumupaŋgere fârine bâfuazemec. Go, mumupaŋ-nanere fârine sâcne mi bâfuapemu, iŋuc muhuc mumupaŋ dân moc mi muzemec. <sup>5</sup>Dân musifuckehuc sâqocne bâfuazicte namenge sonaŋkezemec. Go zâhec taha bapare maio zinguc muzicte iŋuc ezemec: No fâro ehuc musifuckepac. Go wemocte dângezi Anutu aaric bâfuacnehuc giegere fârine hetâtieocte mukomec? <sup>7</sup>Go guŋ bocjaha manaekicte dân racne boc mukic, erâ sifu Anutu araŋ, bacnetec sâckezejec.

### Juju i wiac fâri tâmiric

<sup>8</sup>Go kia gawamaŋ jaŋe ŋic qarâ suriŋne bâzâic-jopahuc dângieo mi bafic-jopaniŋmu â dânjeŋic mi dopeckeninŋmuo ine mi wareckezemec. Kia fekicne jaŋe kia wahakicne ŋezic-jopaenggopien, â gawamaŋ kâcqezezi kiafâc-ticne fekicne â wahakicne mâmâc ŋezic-jopa-fâreekac. <sup>9</sup>Irec mâreŋ moc e ŋicwofuŋ-ticne jume sâckeocmu.

<sup>10</sup>ņic moc e monenŋte boc ecneocmuzi monenŋte harac jaha ehuc juocmu, â ŋic moc e monenŋ mafa sâkohec eocte manasuhuc wiac sasawa-rozo muocmu i mi bâfuaocmu. Irec hata i fâri tâmiric jaha ekac.

<sup>11</sup>ņic moc e monenŋ mafa sâkohec juocmu e ŋic bocjaha jaŋe nânâ jare gumec eocte muninŋmu, ehame wemo wiac fârine moc bâfuaocmu? E mâc zinguc sawa mana taraocmu: No mafa mâriri sâkohec juekopac. <sup>12</sup>Kiaŋ qaqa moc e nânâ wiac bocjaha me afecne sawa nâhuc sifu guŋ biane foocmu, â ŋic monenŋ mafa sâkoheczi ine wiac sasawa-ticnere mana mezac boc ehuc guŋqâri juocmu.

<sup>13</sup>No mâreŋko wiac hâhâwicne kecziŋuc fuame hôneekopac: ņic jaŋe zâhec wiac i me i moc basanzipinŋte monenŋ-jenŋic ro qâzuc eengopien.

<sup>14</sup>Erâ juku wiac kosa ehuc behepie omae-fâreha naru motecfâc-jenŋic jareninŋte basaenggopien. ņic nânâc mâreŋko metariŋ fuamben iŋuc jaha juku hâmorâ metariŋ jaha rananŋmu. Nânâc gie sâko bahuc jueggopenen, erâ sifu irec fârine i me i moc mi barananŋmu. <sup>16</sup>Wiac izi mi sâckeekac. Nânâc fuamben irec sâc jaha rananŋmu. Nânâc zocne fârone ehuc mezi mânân rorâ basanankezo gie sâko baenggopenen, ehuc irec fârine wemo wiac bâfuaenggopenen? <sup>17</sup>Dapâcmaŋko juju, â busâqoc â memezac â aaric â huc zâic faio juju bâfuaenggopenen hâcne.

<sup>18</sup>Mananggopien, no wiac zinguc hone mana tarac ekopac: Nânâc Anutuzi juju damen bemberne nârewec irec maŋnao gie bapene fârine fuaekac irec zeri ehuc nânâ opâ nâpene biankeocmu. ņic nânâc iŋuc hâcne enanŋte munârekicne. <sup>19</sup>Anutu e ŋic nânâc monenŋ mafa â fic hae nâre tahac ehuc irec bubian manananŋte mana-nâreocmuo ine dange mumutenŋ enzepenen, ehuc gie bapene fârine fuaekac i bubian manahuc nâ bac enzepenen. Wiac i Anuturaonec taha moc hâcne. <sup>20</sup>ņic nânâc zeri bubian faio junanŋte Anutuzi mana-nârewec, irec juju damen-nârec bembernere mana mezac boc mi enzepenen.

**6** Nô mãreŋko juhuc Ȧic jaŋerao wiac hehesicne kecziŋuc fuame honepe mi sâckeekac: <sup>2</sup> Anutu e Ȧic moc e me e moneŋ mafa â zâŋe biŋe â fic hae erâ wiac gâcne sasaware ecneekac i mâmâc râcne-fâreocmu mecne. Erâ ine Ȧic e wiac i nâ bac ehuc bubiaŋ manazacte aka hecneha Ȧic furune moczi nâ bac ehuc bubiaŋ manaocmu. Mâsi iŋucne i wiac fâri tâmiric erâ mi sâcke-jâmbânkeekac: <sup>3</sup> Ȧic moc e dameŋ zora jufehame naru motecfâc-ticne 100 fuacneniŋmu mecne, ehame jujuhâmo moc mi bâfuaŋuc juku hâmome biâŋne mi duckeniŋmuo ine ere manape wawahane eha kogoc hâmocne fuawec ere ine manape fefene eocmu. <sup>4</sup> Kogoc iŋucnezi fuârâ izia dapâcko sifuckeme ere nîkec-nâpoekac. <sup>5</sup> E zoaŋ tatamac moc mi honeocmu â jujure fuŋne wâc mi manaocmu, erâ sifu Ȧic e sirickehuc jujumana hao raocmu. <sup>6</sup> Kogoc iŋucnezi Ȧic moc jara 2 tausen jufehuc jujuhâmo mi bâfuaocmu ere sâc sirickeocmu hâcne. Erâ jahe sifu hae ijaha rakopirec.

<sup>7</sup> Ȧic nânâc gie sasawa baengopenen i nânâ opâ-nâŋec bâfuananŋe baengopenen, erâ ine sâcnâŋec bâfua-bipiehuc sifu manapene mi sâckeekac. <sup>8</sup> Ehame Ȧic maŋqârânheczi weniŋuc ehuc Ȧic mutuc matacne sirickeme biânkeekac? Â Ȧic qarâ suriŋne e juju biânne fuŋne manaocmu izi sâcne bafickeocmu me? <sup>9</sup> Nânâc wiac fonâreekac irec manapene sâckezejec, me fonâre-bipieha zuhuckerâ ronanŋe mupene ine sâqoreekac. Erâ i wiac fâri tâmiric jaha, mezi mânâŋ rorâ basanankezo eipieengopenen irec sâc ekac.

<sup>10</sup> Wiac sasawa fua raekac i fuaocte Anutuzi mârâc jaha maname fowec. Irec nânâc ziŋuc manaengopenen: Tâpiri-nâŋec sirickehuc juekac ehac dân mu qaqtarac sâcne mi enaŋmu. <sup>11</sup> Sifu ehuc dân bocjaha mupene fâri tâmiric jaha eme wemo wiac biânne moc fua-nâreocmu? <sup>12</sup> Ȧic nânâc mãreŋko juju dameŋ-nâŋec bemberne â fâri tâmiric erâ mumuc iŋucne fuârâ omaeekac irec maŋnao weniŋuc jupene biânkeocmu i mo Ȧiczi moc manaekac? Me Ȧic nânâc juku hâmopene faicnao mãreŋko wemo wiac moc fuârâ foocmu i wâc mozi manarâ sâcne nâzâocmu?

### Maŋqârânhec jujure dân gâcne gâcne

**7** Zâŋe biŋehac juju izi wokemaŋ âsu biân irec sâc sirickeekac, â hâmoc dameŋ-nâŋeczi fufua dameŋ-nâŋec wâc sirickeekac.

<sup>2</sup> Hâmoczi woŋec-nâŋec fokac i qâricne juengopenen nânâc manasuhuc junzepenen, irec nânâc gae wohuc zeri sâko eengopien hae mãreŋ ira mâcne, makuc baengopien ira rapene biânkeocmu.

<sup>3</sup> Zâic fâro faio juju izi mu gâgâwi faio juju sirickeme biânkeekac, i Ȧifec busâqoc bâfua-nâreekac â Ȧifec ine mamanasig-nâŋec basanankeekac.

<sup>4</sup> Ȧic mutuc matacne e dameŋ sâc jujuhâmore sawa manasuekac, â Ȧic maŋqârânhec eki ine hâmocte mâmâc manasuekac.

<sup>5</sup> Ȧic maŋqârânheczi mu tutuc enâreme manapene fefene ezejec, â Ȧic mutuc matacne jaŋe mumbiaŋ-nâpopie manapene wawahane ezejec.

<sup>6</sup> Ȧic mutucne moczi gâwieme qigambu zârâ zocko râepene zâhuc parac heekac irec sâc eekac, erâ izi wiac fâri tâmiric jaha ekac wâc.

<sup>7</sup> Ȧic maŋqârânhec moczi Ȧic moc eatuckeocmu e Ȧic mutucnere sâc bâfuaocmu, â moc e bâbâmiriŋ moneŋ roocmuzi maŋ mamanasu-ticne sipirickeocmu.

<sup>8</sup> Gie funkehuc m  cne, baku batarar   manapene biankezejec. Sahac fefe juju i wiac wawahane    bum  ten    faio juju izi ine wiac fefene.

<sup>9</sup> Go kimber   aric biac mi b  fuazemec,   aric i Ȧic mutucne Ȧanere manko fic hae eekac.

<sup>10</sup> Go Ȧiguc mu wioc moc mi ezemec: "Damen Ȧanqanao wemocte wiac sasawa bianne fof  rewec?" Wiwio igucne i manq  r  n d  n aricne.

<sup>11</sup> M  renko Ȧic juengopenen   asawa n  n  c manq  r  nhec ef  renzepenen; manq  r  nhec juju i mer  f  c wiac babaju irec s  c jaha ekac. <sup>12</sup> MonenȦi Ȧezic-n  poekac irec s  c jaha manq  r  nȦi Ȧezic-n  poocmu; manq  r  nte funne manaengopien Ȧic i Ȧanere juju i manq  r  nȦi basan  keekac h  cne.

<sup>13</sup> Go Anutuzi wiac ebac ewec irec manasuhuc juzemec; eki wiac i me i moc bame s  qorewecko ine Ȧic moczi moc s  cne b  tigneocmu me? <sup>14</sup> Go gie wiacge batec hatacke-h  mome Ȧeri bubian   aio juzemec, me s  qore-gareme ine Ȧiguc manazemec: Anutu e jujuh  mo    Ȧ  r   Ȧ  p  nehec juju i m  m  c mume fua-n  reekac, irec n  n  c wemo Ȧuhucker   maic-n  poocmu i mi manaengopenen.

<sup>15</sup> Juju-nane i f  ri t  miric ewec, ehame sifu wiac Ȧiguc fuaekac i hone-f  repo: Ȧic tiȦne Ȧanere tiȦne jaha juhuc h  mo sipiric eengopien,    Ȧic sindagne Ȧanere ine sindagne jaha juhuc damen Ȧora juf  engopien. <sup>16</sup> Irece go jujuge biac sipirickezicte tiȦne    manq  r  nhec boc mi juzemec. <sup>17</sup> Er   Ȧifec ine damenȦe mi taraha biac h  mozicte sindan    mutuc matacne w  c boc mi juzemec. <sup>18</sup> Go wiac Ȧifecne ehuc Ȧifecne w  c mi behezemec. Er   Anutu aran bacnehuc wiac iguc me iguc ebac etec biankeocmu.

<sup>19</sup> Manq  r  nȦi Ȧic bafic-n  poekac i guriȦ bapa Ȧic 10 Ȧanere hae moc bafic-keengopien irec s  c Ȧ  rukac.

<sup>20</sup> Ȧic moczi damen s  c tiȦne juhuc bahac moc mi b  fuaocmu i m  renko moc mi fokac.

<sup>21</sup> KiȦan qaqagezi s  wecgukac, go d  n iguc moc manazicte Ȧic Ȧanere d  n muengopien   asawa irec hazec mi r  ezemec. <sup>22</sup> Er   go damen Ȧ  cnao Ȧic s  wec-jopamen i go gahac manaekic w  c.

### Manq  r  nte babasa gie bapa

<sup>23</sup> No manq  r  nhec juhuc wiac sasaware funne bataninȦepemur   manasupo, ehuc kecȦiguc mupo: No manq  r  n f  rine b  fua-h  mozepac, iguc muhuc boc eipiepo. <sup>24</sup> Jujure funne weniguc fokac i mozi mana taraocmu? Jujure funne i qame hukicne, irec mana taran  nte eipien-gopenen. <sup>25</sup> Er   no sifu mana tarapemur   giene Ȧoqachec bapo, ehuc manq  r  n    wiwio-nanere f  rine b  fuapemur   fotac qatariepo. Er   ine Ȧiguc sawa mana tarapo: Sindagne juju i wiac mutuc matacne    mutuc matacne juju i wiac g  g  p  cne.

<sup>26</sup> No iguc hone tarahuc Ȧokacte funne Ȧiguc mana tarapo w  c: Ȧokac e h  mocte s  c Ȧ  ruhuc wiac h  t   qinȦiqin Ȧigucne ekac. E   go egareha izi bitin igucne er  -kicȦuocmu,    h  pocgume k  p  cw  ruzi basanangukac tinac eocmu. Ȧic moc e Anutuzi manacneme biankeekaczi Ȧokac s  cne wisecneocmu,    Ȧic hehesicne e ine Ȧokaczi eatuckeme erao qohotaocmu.

<sup>27</sup> Miti Mumu Ȧiczi d  n Ȧiguc mukac: No wiwio-nanere f  rine b  fuapemur   giene bar   ba ewarehuc iguc h  cne mana tarapo. <sup>28</sup> Er   wiwio-nanere okacne g  cne w  c b  fuapemur   giene bape arictac ewec. No iguc ehuc Ȧic



**8** Djic maŋqârânheczi sawa wiacte wiac irec fuŋne mana taraekac. E maŋqârânhec jume zâne mai-ticne rângeŋnezi urueha fie ruruckeekac.

## 909

nafeo: guŋqâri juhuc mamana gie barâ <sup>17</sup> Anutuzi wiac ebac eekac irec fugne i sifu mi mana taranagmu. Nâgac irec mamana gie samarierâ bahuc sifu mi mana taranagmu. Ȧic maŋqârâŋhec jaŋe irec fugne manangopeneg, iŋuc muhuc sifu kâuc baengopieŋ wâc.

### Ȧic nâgac katucne sâckoa rofârenagmu

**9** No wiac sasawa irec manatâc qâtâc boc ehuc ziŋuc mana tarapo: Anutu e Ȧic maŋqârâŋhec â tiŋne jaŋere eebapa irec guriŋ bahuc maŋjaug â aaric-jeŋicte guriŋ i wâc mâmâc baekac. Irece Ȧic nâgac wemo wiaczî maic-nâpoocmu i nâgac moc mi manaengopeneg. <sup>2</sup>Wiac fuaocmu i Ȧic mâmâc sasawa rocnâpoocmu, Ȧic tiŋne â hehesicne, biaŋne â sâqocne, mitihec â miti tâmiric, Anutu araŋ bacneengopeneg me mi bacneengopeneg, nâgac mâmâc rocnâpo-fâreocmu. Ine hâcne, sâqocne bapa wiace fuacneocmu sâc ijaha Ȧic biaŋne fuacneocmu, â mumupaŋ dâŋ mi muocmu e Ȧic mumupaŋ dâŋ mume wiace fuacneocmu irec sâc jaha fuacneocmu. <sup>3</sup>Ȧic mâmâc sasawa okacne sâc ijaha rofâreengopeneg izi hâcne mâreŋko wiace gâcne fuarâ foekac i sirickehuc sâqoreekac. Ȧic jaŋe mâreŋko jufeengopieŋ sâc mamasu hehesicne â gâgâpâcne bajuku hâmorâ hâmokicne jaŋerao zuhuckeengopieŋ. <sup>4</sup>Â moc e mâreŋko qâricne juengopieŋ jaŋere ŋondenko juha woworic-ticne foekac jaha; qâtô moc juocmuzi laiŋ hâmocnere sâc sirickeocmu. <sup>5</sup>Qâricne juengopieŋ jaŋe juku hâmonagmu i manaengopieŋ, â hâmokicne jaŋe ine wiace moc mi manaengopieŋ. Ehuc zuhuckerâ furi roro i mi eniŋmu, â Ȧic moczi moc jaŋere mocwâc mi manasuniŋmu. <sup>6</sup>Jaŋe hâmohapie maŋjaug-jeŋic â aaric-jeŋic â zoqac-jeŋic i mâmâc omae-fâreocmu. Jaŋe mâreŋko wiace i me i fuaocmu ira zuhuckerâ gie moc mi banigmu.

<sup>7</sup>Ajoc, go nânâge nâhuc bubiaŋ manac, â waiŋ opâge nâhuc zeri ec, go iŋuc ecmurâ Anutuzi mârâc jaha biac mana-gareme sâckewec. <sup>8</sup>Irec go dameŋ sâc zeri bubiaŋ faio juzemec. <sup>9</sup>Ȧokacgere egareekac ehec zeri bubiaŋ faio juzemec, Anutuzi mâreŋ zira juju fâri tâmiric garewec i fogareha iŋuc hâcne ezemec. Ehuc juju dameŋge fâri tâmiric sasawa irec zeri bubiaŋ manazemec, go mâreŋko zâic gie sâko bahuc juhanŋtec zeri bubiaŋ i sawa fua-gareocmu hâcne. <sup>10</sup>Go gie i me i zoqachec bazemec, i wemocte? Hâmokicne jaŋere haeo racmu ira gie me mamana me mamana tara me maŋqârâŋ moc mi fokacte iŋuc hâcne ezemec.

<sup>11</sup>Erâ no mâreŋko wiace kecziŋuc wâc fuame hōnepo: Ȧic gasackeengopieŋ jaŋe mao fisirâ furi mi roeengopieŋ, â Ȧic zoqachec jaŋe zikao mi sanâŋkeengopieŋ, â Ȧic maŋqârâŋhec jaŋe nânâ wiace boc mi bâfuaengopieŋ, â mamana sâkohec jaŋe moneŋ mafa boc mi hureengopieŋ, â Ȧic mamana sarichec jaŋe gie fekicne boc mi rauckeengopieŋ. Jaŋe sasawa wiace busâqocnehec fua-jareekac hâcne. <sup>12</sup>Ȧic nâgac dameŋ banârekiecne i moc mi manaengopeneg. Ine qowi jaŋe mi manahuc bitiŋko razipie kic-jopaekac, â hâwec qowi jaŋe wâc mi manahuc wasaŋko jowaengopieŋ irec sâc jaha Ȧic nâgac mi manahuc juhapene dameŋ sâqocnezi ututuŋ jaha maic-nâpoekac.

### Maŋqârâŋzi tâpirire sâc sirickehuc wiace fefene ekac

<sup>13</sup>No mâreŋko wiace kecziŋuc wâc fuame honerâ manape boc fefene  
910

ewec: <sup>14</sup> Mâreŋ mocko hae piticne moc ŋewec, erâ ŋecjuçfâc-ticne jaŋe afecne sawa. Ehamê ŋicwofuŋ tâpiriheç moczi momorifâc-ticne jaŋehec fiŋirâ hae i somâckembiŋ. Somâckerâ qânâsac âkezurâ haeo fenigte zae wiac bambiŋ. <sup>15</sup> Erâ hae irec maŋnao ŋic hapetac moczi maŋqârâŋhec juwec. E maŋqârâŋ dâŋticnezi hae i râsifâc-ticne jaŋere meonec batarawec. Ehamê zâhec ine ŋic ere mocwâc mi manasumbiŋ. <sup>16</sup> No iŋuc honerâ žiŋuc mana tarapo: Maŋqârâŋzi tâpirire sâc sirickehuc wiac fefene ekac; ŋic gâcne jaŋe ine ŋic waha qaqaŋere maŋqârâŋ qaisockeengopieŋ â dâŋticne wâc qikiŋneengopieŋ.

<sup>17</sup> Ŋicguru mutuc matacne jaŋere micnezi dâŋ musokahuc mume hazec mi râenzepeneŋ, ŋic maŋqârâŋheczi dâŋ urucne mume ine mana rereŋ epene biaŋkeocmu. <sup>18</sup> Maŋqârâŋzi žikare wiac sirickehuc gie biaŋne baekac, â bâbâsifuc ŋic mocjaha maczi ine wiac biaŋne bocjaha ima baekac.

### Eebapa mutuc matacnere fârine gâcne

**10** Mâkâc hâmocne jaŋe wokemaŋ âsu biaŋko hupie wokemaŋzi âsu sâqocne fiocmu, irec sâc jaha dâŋ mutuc matacne afecnezi maŋqârâŋ dâŋ bawahaocmu.

<sup>2</sup> Ŋic maŋqârâŋheczi wiac fâreteŋ jaha ebac eekac, â ŋic mutuc matacnezi ine wiac hehesicne ebac eekac. <sup>3</sup> Ŋic mutuc matacnezi ŋic furune mutuc mujarehuc e jahacne fuŋne bataniŋkeekac.

<sup>4</sup> Ŋicwofuŋgezi aaric mana-gareme sifu giege mi behezemec, go mâteŋne jutec kiŋge beheocmu mecne.

<sup>5</sup> No mâreŋ sâc ŋicwofuŋ jaŋe wiac hehesicne kecziŋuc epie honepo: <sup>6</sup> Jaŋe ŋic mutucne jaŋere meo gie fekiçne râehuc ŋic moneŋ mafa sâkohec jaŋere meo ine gie omane râeengopieŋ. <sup>7</sup> No kiŋaŋ qaqa jaŋe becâsic faio ŋehapie ŋic fekiçne jaŋe kiŋaŋ qaqa jaŋere sâc kikezi rahapie honec-jopapo.

<sup>8</sup> Go nombâŋ moc rocmuo ine gahaczia hucmu, â ficsâpe moc heropiehaŋ homazi kicguocmu. <sup>9</sup> Qânâ wiac rohuc juhapene qânâzia ŋemac-nâpooçmu, â žoc hesuckepene izia nâpooçmu. <sup>10</sup> Râricge micmâŋ eha mi zâmucmuo ine gie sâko gareocmu, irec qanaŋ mamasasu gie barâ wiac ebac etec sâckeocmu. <sup>11</sup> Go homa moc biac kicguha faicnao sawa bâmâteŋkeçmu i fâri tâmiric eocmu.

<sup>12</sup> Ŋic maŋqârâŋhec e dâŋ muocmu izi hâcne zâŋe bige-ticne bafahareocmu, â ŋic mutuc matacne e ine dâŋticnezia sipirickeocmu. <sup>13</sup> E fuŋkerâ dâŋ mutucne muekac, erâ muraku dâŋ gâgâpâcne jâmbâŋ muhuc mutaraekac. <sup>14</sup> Ŋic mutuc matacnezi dâŋ zuzuhuc jaha muekac.

Ŋic nâŋâc wemo wiaczia maic-nâpooçmu i mi manaengopeneŋ, erâ juku hâmopene irec faicnao wemo wiac fuaocmu i ŋic moczi moc sâcne wâc mi nâzâocmu.

<sup>15</sup> Ŋic mutuc matacnezi hae-ticnere hata basahuc gie sâko baku docke betaj eocmu.

<sup>16</sup> Opoŋ, mâreŋ moçte ŋicwofuŋzi gie hawari juocmu â fekiçnefâc-ticne jaŋe ŋafe žora tiwâ bâzi sâko nâhuc juhapie hae fureme mâreŋ i sâqorerâ foocmu. <sup>17</sup> Â mâreŋ moc irec ŋicwofuŋzi ŋic sanaŋne juocmu â fekiçnefâc-ticne jaŋe tiwâ bâzi-jeŋic dameŋkoa nâ bac ehuc opâ sanaŋ



dameŋ ira tiki mâreŋko juhuc hâwic-ŋopaocmu, â hata ranigte boc eipienigmu. Ehame janqâŋzi âkec-ŋopaocmu â sasecte tâpiri-ŋeŋic wâc omaeocmu.

Nângac jujumana hae-nâŋecko rahapene hae zoŋao ki mamakuc fuarâ foocmu. <sup>6</sup> Juju-nâŋecte niŋgiŋzi tâcneocmu, â lambe-nâŋec golzi bakicne i waha qanqanecocmu, erâ opâ pakere muc i tâcneha pake e jahacne wâc qanqanecocmu. <sup>7</sup> Sahac-nâŋec mâreŋzi bakicnere mocwâc mâreŋ jaha eocmu, â qâqâtac-nâŋec Anutuzi nârewec e ine mocwâc e jahacnao risieocmu.

<sup>8</sup> Erâ wiac i sasawa fâri tâmiriczi fâri tâmiric ekac, Miti Mumu Ȧiczi iguc mukac.

### Qâqâhac dân

<sup>9</sup> Erâ ine Miti Mumu Ȧic e maŋqârâŋhec juwecte wiac manawec sâc i sifu zuhuckerâ Ȧic ȋokac jaza qazuc ewec. Ehuc muqâqir dân gâcne gâcne i jâmbomac me burec irec fugne bataniŋkeocte mamana gie sâko bawec.

<sup>10</sup> Erâ bâbâmiriŋ dân mu qâreŋ ewec sâc i dân fârine sasawa efârewec.

<sup>11</sup> Ȧic maŋqârâŋhec jaŋe dân muengopieŋ i lama soŋaŋ jaŋere gunu tetcne igucne. Erâ i soŋaŋ sâko-nâŋec, Anutu hâcne, eki tahac-jopawec.

<sup>12</sup> Ȧokâ-mae, no dân moc gazape manac: Ȧic jaŋe papia qizec bocjaha qâreŋkeengopieŋ, eme go papia i sasawa irec mamana gie zoqachec bahuc betankezicte rucjarige bahuc juzemec.

<sup>13</sup> Erâ dân muwarekicne irec fârine mocjaha fokac i wâc gazape manac: Go Anutu araŋ bacnehuc sâcmutâc dânticne reŋkezemec. Ȧic nâŋac wiac i hâcne enaŋte bâfuac-nâpokicne. <sup>14</sup> Anutu e wiac sasawa, biaŋne me sâqocne, erâ wâc soŋsoŋko ebac ekicne irec sâcko dânŋâŋec mutaraocmu.